

REGLUGERÐ

um breytingu á reglugerð nr. 359 1975 um stjórn bæjarmálefna Ísafjarðarkaupstaðar.

1. gr.

VII. kafli orðist svo:

VII. KAFLI

Nefndir.

36. gr.

Bæjarstjórn kýs hlutfallskosningu eftirtaldar nefndir og starfsmenn til að fara með tiltekin mál eftir því, sem lög mæla fyrir og samkvæmt sérstakri samþykkt bæjarstjórnar í júní ár hvert:

a. Til eins árs:

1. Bygginganefnd, fjórir aðalmenn og fjórir til vara.
2. Hafnarnefnd, fjórir aðalmenn og fjórir til vara.
3. Barnaheimilanefnd, þrír aðalmenn og þrír til vara.
4. Félagsmálaráð, fimm aðalmenn og fimm til vara.
5. Kjörskrárnefnd, þrír aðalmenn og þrír til vara.
6. Atvinnumálanefnd, fimm aðalmenn og fimm til vara.
7. Endurskoðendur reikninga bæjarsjóðs, hafnarsjóðs, Fjórðungssjúkrahúss, vinnuvéla, vatnsveitu, Lífeyrissjóðs bæjarstarfsmanna, félagsheimilis, tveir aðalmenn og tveir til vara.
8. Umferðar- og öryggismálanefnd, þrír aðalmenn og þrír til vara.
9. Kjörstjórnir við alþingis- og forsetakosningar:
 - a) Yfirkjörstjórn kaupstaðarins, þrír aðalmenn og þrír til vara.
 - b) Undirkjörstjórnir, þrír aðalmenn og þrír til vara í hverri undirkjörstjórn.
10. Kjörstjórnir við bæjarstjórnarkosningar:
 - a) Yfirkjörstjórn, þrír aðalmenn og þrír til vara.
 - b) Undirkjörstjórnir, þrír aðalmenn og þrír til vara í hverri undirkjörstjórn.
11. Stjórn Djúpbátsins h.f., tveir aðalmenn og tveir til vara.
12. Stjórn félagsheimilis, einn aðalmaður og einn til vara.
13. Fulltrúa á sýslufund Norður-Ísafjarðarsýslu, er hafi ásamt sýslunefndinni, umsjón með styrktarsjóði ekkna og barna þeirra Ísfirðinga, sem í sjó drukkna, þrír aðalmenn og þrír til vara.
14. Fulltrúa á aðalfund Íshúsfélags Ísfirðinga h.f., þrír aðalmenn og þrír til vara.
15. Fulltrúa á aðalfund Togaraútgerðar Ísafjarðar h.f., þrír aðalmenn og þrír til vara.
16. Fulltrúa á aðalfund Hraðfrystihússins h.f., Hnífsdal, þrír aðalmenn og þrír til vara.

17. Fulltrúa á fund Eigendafélags félagshemilis, þrír aðalmenn og þrír til vara.
18. Fulltrúa á aðalfund Reiknistofu Vestfjarða h.f., þrír aðalmenn og þrír til vara.
19. Fulltrúa á aðalfund Hótelis Ísafjarðar h.f., þrír aðalmenn og þrír til vara.
20. Fulltrúa á aðalfund Gestis h.f., einn aðalmaður og einn til vara.
21. Fulltrúa á aðalfund Átaks STÁ, þrír aðalmenn og þrír til vara.

B. Til fjögurra ára:

1. Skólanefnd grunnskóla, fimm aðalmenn og fimm til vara.
2. Skólanefnd húsmæðraskólans, tveir aðalmenn og tveir til vara.
3. Skólanefnd Iðnskólans, tveir aðalmenn og tveir til vara.
4. Skólanefnd héraðsgagnf.sk. Reykjanesi, einn aðalmaður og einn til vara.
5. Náttúruverndarnefnd, fimm aðalmenn og fimm til vara.
6. Ípróttanefnd, fimm aðalmenn og fimm til vara.
7. Áfengisvarnarnefnd, þrír aðalmenn og þrír til vara.
8. Heilbrigðisnefnd, fimm aðalmenn og fimm til vara.
9. Menningarráð, fimm aðalmenn og fimm til vara.
10. Stjórn Sjúkrasamlags Ísafjarðar, fjórir aðalmenn og fjórir til vara.
11. Stjórn Fjórðungssjúkrahúss og elliheimilis, þrír aðalmenn og þrír til vara.
12. Framtalsnefnd, fimm aðalmenn og fimm til vara.
13. Barnaverndarnefnd, fimm aðalmenn og fimm til vara.
14. Bókasafnstjórn, sem einnig fer með stjórn héraðsskjalasafnsins, fjórir aðalmenn og fjórir til vara.
15. Brunamálanefnd, fimm aðalmenn og fimm til vara.
16. Landbúnaðarnefnd, þrír aðalmenn og þrír til vara.
17. Sjó- og verslunardómur, sjö aðalmenn og sjö til vara.
18. Sáttanefnd, tveir aðalmenn og tveir til vara.
19. Byggðasafnstjórn, einn aðalmaður og einn til vara.
20. Í fulltrúaráð Brunabótafélags Íslands, einn aðalmaður og einn til vara.

C. Aðrar nefndir skv. skrá.

Nefndir, sem starfa á vegum bæjarstjórnar skulu kjósa sér formann. Formenn skulu sjá um, að nefndir séu boðaðar til fundar. Ef tveir nefndarmenn hið fæsta, óska eftir að fundur sé haldinn í nefnd þeirri, sem þeir eiga setu í, geta þeir farið fram á það við nefndarformann og skal hann þá boða nefndina saman til fundar svo fljótt sem auðið er. Einnig getur bæjarsjóri boðað, að fundir skulu haldnir í nefndum, ef honum þykir ástæða til, til að ræða ýmis bæjarmál.

37. gr.

Um skipan nefnda, valdsvið þeirra og verkvið fer eftir því, sem ákveðið er í lögum eða samþykktum bæjarstjórnar. Þar sem ekki er um slíkar reglur að ræða, getur bæjarstjórn sett þær.

Ekki má framselja slíkri nefnd vald, sem bæjarstjórn er fengið að lögum.

Þegar kjörtími nefnda er óákveðinn, skal litið svo á, að umboð nefndarmanna falli niður, þegar kjörtími bæjarstjórnar er á enda, nema um sé að ræða nefnd, sem fengið hefur til úrlausnar ákveðið og afmarkað verkefni. Þá skal litið svo á, að starfi hennar ljúki fyrst er verkefnið er til lykta leitt.

38. gr.

Allar nefndir bæjarstjórnar skulu færa gerðabækur um störf sín og skulu gerðir fastanefnda, svo og nefnda, sem bæjarstjórn setur í einstök mál, lagðar fyrir bæjarstjórn til meðferðar og endanlegrar samþykktar eða synjunar.

39. gr.

Bygginganefnd skipa 4 menn auk bæjarstjóra, sem er sjálfkjörinn formaður nefndarinnar lögum samkvæmt. Tveir hinna kjörnu fulltrúa nefndarmanna skulu vera bæjarfulltrúar, en tveir utan bæjarstjórnar.

Byggingafulltrúa er skylt að sitja fundi bygginganefndar. Bygginganefnd annist byggingamálefni bæjarins samkvæmt fyrirætlum í lögum og samþykktum um þau mál.

40. gr.

Í hafnarnefnd er forseti bæjarstjórnar sjálfkjörinn formaður. Í nefndina eru kosnir tveir menn úr bæjarstjórn og tveir menn utan hennar og jafnmargir til vara valdir á sama hátt. Nefndin annast hafnarmálefni samkvæmt hafnalögum og hafnarreglugerð, sér um innheimtu hafnargjalda og reikninga hafnarsjóðs og hefur umsjón með störfum starfsmanna hafnarinnar. Bæjarstjóri er hafnarstjóri.

41. gr.

Í félagsmálaráð skulu kosnir fimm aðalmenn og fimm til vara. Ráðið skal fjalla um framfærslumál, æskulýðsmál, skipulag unglíngavinnu eða vinnuskóla, þjónustu við aldraða og hvers konar almenna félagslega þjónustu, sem ekki er falin öðrum sérstaklega.

Félagsmálaráð skal halda fundi eigi sjaldnar en einu sinni í mánuði. Framfærslufulltrúi, bæjarstjóri, kveður ráðið saman til fundar um framfærslumál og skulu slíkir fundir skráðir í sérstaka gerðabók.

Félagsmálafulltrúi er starfsmaður ráðsins.

42. gr.

Í kjörskrárnefnd skulu kosnir þrjú bæjarfulltrúar og þrjú til vara. Nefndin sér um endurskoðun kjörskrárstofns í tæka tíð fyrir allar almennar kosningar.

43. gr.

Stjórn Fjórðungssjúkrahússins skal skipuð fimm aðalmönnum og fimm til vara, skulu þrjú fulltrúar kjörnir af bæjarstjórn og tveir fulltrúar af starfsmannaráði sjúkrahússins.

Þeir þrjú fulltrúar er bæjarstjórn kýs í stjórn F. S. Í. skipa stjórn elliheimilisins. Stjórn sjúkrahússins fer einnig með stjórn heilsugæslustöðvar á Ísafirði.

44. gr.

Í landbúnaðarnefnd skulu kosnir þrjú aðalmenn og þrjú til vara og skulu tveir aðalmenn og jafnmargir varamenn kosnir úr hópi starfandi bænda en hinir úr hópi bæjarfulltrúa.

Nefndin sé bæjarstjórninni til ráðuneytis um landbúnaðarmál. Hún skal einnig sjá um fjallskil og fóðurgæslu.

45. gr.

Í umferðar- og öryggismálanefnd skulu kosnir þrjú aðalmenn og þrjú til vara. Nefndin er ráðgefandi um umferðar- og öryggismál í kaupstaðnum.

Forstöðumaður Tæknideildar, eða staðgengill hans, skal að jafnaði sitja fundi nefndarinnar með málfrelsi og tillögurétti.

46. gr.

Áfengisvarnarnefnd starfar samkv. reglugerð nr. 241/1970.

Áfengisvarnarnefnd er skipuð sex mönnum þ. e. bæjarstjórn kýs þrjú aðalmenn

og þrjá til vara og auk þess skulu formaður félagsmálaráðs, formaður barnaverndarnefndar og félagsmálafulltrúi eiga sæti í áfengisvarnarnend.

Ráðherra skipar formann áfengisvarnarnefndar.

47. gr.

Barnaheimilanefnd skal annast umsjón og eftirlit með rekstri barnaheimila og barnaleikvalla og gera tillögur til bæjarráðs um málefni þeirra.

Forstöðumaður heimilis skal eiga sæti á fundum nefndarinnar, þegar fjallað er um málefni þess.

48. gr.

Íþróttanefnd starfar eftir sérstökum starfsreglum samþykktum af bæjarstjórn. Stjórn Í. B. Í. gerir tilnefningu um þrjá aðalfulltrúa og þrjá til vara.

2. gr.

Töluröð greina í VIII. og IX. kafla breytist í samræmi við framanritaðar breytingar.

Reglugerðarbreyting þessi, sem bæjarstjórn Ísafjarðarkaupstaðar hefur samið og samþykkt, staðfestist hér með samkvæmt lögum nr. 58 29. mars 1961 til þess að öðlast gildi þegar í stað.

Félagsmálaráðuneytið, 28. febrúar 1979.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

fyrir Vatnsveitu Húsavíkur.

Vatnsveita Húsavíkur er eign Húsavíkurkaupstaðar og er rekin í þeim tilgangi að fullnægja vatnspörf heimila og fyrirtækja í kaupstaðnum eftir því sem við verður komið og reglugerð þessi kveður nánar á um.

Vatnsveita Húsavíkur er sjálfstætt fyrirtæki í rekstri Húsavíkurkaupstaðar og með sérstöku reikningshaldi.

Reikningar Vatnsveitu Húsavíkur skulu jafnan fylgja reikningum bæjarsjóðs Húsavíkur til endurskoðunar og samþykktar.

2. gr.

Bæjarstjórn Húsavíkur fer með stjórn vatnsveitunnar. Um daglegan rekstur vatnsveitunnar fer eftir samþykkt um stjórn bæjarins. Þegar þörf þykir á að mati bæjarstjórnar, skal ráðinn sérstakur vatnsveitustjóri, en þangað til skal yfirmaður verklegra framkvæmda fara með störf hans.

3. gr.

Vatnsveita Húsavíkur hefur einkarétt til sölu vatns í Húsavíkurkaupstað og nýtingar vatnslinda í landi kaupstaðarins til vatnsnota sbr. 1. gr.